

Na osnovu člana 23 Statuta Brčko distrikta Bosne i Hercegovine («Službeni glasnik Brčko distrikta BiH» br. 1/00), Skupština Brčko distrikta Bosne i Hercegovine na 17. sjednici održanoj 03. oktobra 2005. godine, usvaja

ZAKON

O IZMJENAMA ZAKONA O UPRAVNOM POSTUPKU BRČKO DISTRIKTA BOSNE I HERCEGOVINE

Član 1

Član 110 Zakona o upravnom postupku Brčko distrikta Bosne i Hercegovine («Službeni glasnik Brčko distrikta BiH», brojevi 3/00, 9/02, 8/03 i 8/04) mijenja se i glasi:

«(1) Upravni postupak je pokrenut čim je nadležni organ izvršio ma koju radnju radi vođenja postupka.

(2) Ako nadležni organ povodom stavljenog zahtjeva stranke nađe da po važećim propisima nema uslova za pokretanje postupka, donijet će zaključak kojim se odbija pokretanje postupka.

(3) Protiv zaključka iz prethodnog stava može se izjaviti žalba, osim ako je zaključak donio drugostepeni organ.»

Član 2

Član 210 mijenja se i glasi:

«(1) O žalbi protiv prvostepenog rješenja, koje donosi organ uprave i institucija s javnim ovlaštenjima, rješava Apelaciona komisija.

(2) Apelaciona komisija se sastoji od pet (5) članova, od kojih je jedan stalni član i predsjedavajući Apelacione komisije, a ostala četiri člana su promjenljiva i mijenjaju se svake godine.

(3) Članove Apelacione komisije imenuje gradonačelnik iz reda javnih službenika organa uprave, koji posjeduju visok nivo znanja u upravnim stvarima iz svih upravnih oblasti.»

Član 3

Ovaj zakon stupa na snagu osmog (8) dana od dana objavljivanja u «Službenom glasniku Brčko distrikta BiH»

Broj: 0-02-022-215/05
Brčko, 03. 10. 2005. godine

POTPREDSJEDNIK
SKUPŠTINE BRČKO DISTRIKTA BiH
Ivan Krndelj, dipl. ek.